

DARWIN OP RHEINESCH

Ein Beitrag zur Menschenkunde auf Oberbreisiger Platt

Robert Hoß

Die Schmitze sein en jelöcklech Familiech: Do es der Schmitze Hein, sein Altarjeschenk et Marie on et Kättche, dene Zwä ihre janze Stolz. Änes Daachs passiert et. De Mamm wor dehäm en de Köch, et es Mettach on se wor für et Kättche am Koche. Dat Klän kom jerad aus de Schull, wor widde es muuzech on worref de Ranze schnafdech en de Eck.

„Bat häs de, Leefje?“, dät sein Motte frore, „dau jähss doch esu jer en de Schull, oder net?“ „Mir hatten heut Mönschekund“, söt et dodrop, „on ech han net alles kapiert. Do moss de mir hellefe: Bo kummen mir Mönsche her? Dat Tünnche hätt dat och net vestanne.“

„Dat wor esu“, söht die Frau Schmitz. „Dau kenns doch de Jarte Eden, also et Paradies. Do hätt ohse Herrjott de

Adam on et Eva jeschaffe, die ierschde Mönsche. On domet woren mir all vürjeplant.“ - „Dat hann ech kapiert, do weren ech heut Owend de Bapp met teste“, söt dat Klän. Des Owends dät dat Kättche seine Bapp och frore, bo dann die Mönsche herkömen. „Dat wor esu“, söt der. „Vür zich Johre woren die ierschde Dier die Aape em Urwald. On von denne stammen mir all aff.“

Dat Klän wor bi vür de Kopp jeschlohn. Jetz dät et jar nix mih vestohn, on su jing et widder bei de Mamm on söt: „Bi kann et sein, dat dau söhs, ohs Mönsche hät de leewe Jott jemaach, on de Bapp söht, ohs Ellere wören Aape jewähs?“ „Dat es änfach“, dät sein Mamm im erkläre. „Ech han dir nur von meine Familiech vezellt . . .“